

Vuk'uzenzele



Produced by Government Communications (GCIS)

English/isiNdebele

| UKhukhulamungu 2018 UmGadangiso 1

Free Copy

Let's tour Mzansi



@VukuzenzeleNews

Vuk'uzenzele

ALSO AVAILABLE ON:

Websites: www.gcis.gov.za
www.vukuzenzele.gov.za
E-mail: vukuzenzele@gcis.gov.za
Tel: (+27) 12 473 0353



Iimvakatjhibukeli Zangaphetjheya Aziw- vali Umlomo Ngokugoma Kwekhetwapha

Dale Hes

Izakhamuzi zamalokitjhi akhele uMasipala we-George oseTjingalanga Kapa zizokwenzela iimvakatjhibukeli zamazwe wanga-phandle ubusuku engeze zabukhohlwa ngokuzilungisela iimbiliboqo zesidlo santambama ngaphasi komzamosisungulo wabo othi *Dine with Locals*, okutjho bona thabela isidlo sabapheki bekhetwapha. Umzamosisungulo lo uyingcenyeyamahlelo wokugidinga iNyanga yezeVakatjhibukelo, lapha umasipala akhethe khona iinqhema ezisithandathu ezivele elokitjhini leThembalethu nele-Pacaltsdorp ukobana bazokusingatha iimvakatjhibukeli zangaphetjheya baziphekele iimbiliboqo zesidlo santambama bebazithabise ngokunandisa okuhlukahlukeneke.

Njengendlela yokuzilungi-



Iimvakatjhibukeli zithabela isidlo santambama esiphekwe bosomnyanya abasiqhema sakwa-Explore our Hood beThembalethu njengengcenyeyamahlelo othi *Dine with Locals*.

selela ukuthwala umnyanya, iinqhema zikhambele iimfundobandulo ezifundisa ngezvakatjhibukelo nezokupheka.

Bafundiswa amakghonofundwa akhambisana nokuzisungulela ibhizinisi ngomnqopho wokukhiqiza abosomabhizinisi abanengenisomali etjha kilomkhakha wezvakatjhibukelo. UNomzamo Entile (oneminyaka ema-31) ulilunga lesinye seenqhema ezisithandathu nomdosiphambili we-Explore our Hood, eseThembalethu. UNomzamo wasungula i-

Explore our Hood ngomnqopho wokwakha uMoya woBunye esiphandeni se-George.

"Salimuka bona kunokungasebenzisani nokwahlukana phakathi kwemiphakathi yesiphandeni se-George. Sinesifiso sokobana inga abantu bangeza amalokitjhini wethu bazokubona ubuhle obungaka besiko lamaXhosa elizabalethela ilwazi abalithogako," kwalathisa uNomzamo.

Njengesakhelelo seNyanga yezeVakatjhibukelo, isiqhemesi sesiqede iingaba zokuthoma zokulingelela, zisingatha amalunga aziimva-

katjhibukeli kilomkhakha.

"Sikulungele besikuthakasele ukuzosingatha iimvakatjhibukeli zangaphetjheya. Sinerhuluphelo lokobana igadangweli lizosivulela amathuba wokobana sizuze ilemuko kilomkhakha wezvakatjhibukelo, begodu lokhu kuzokuveza bona amalokitjhi weSewula Afrika anobuhle obunengi angathabisa ngabo iimvakatjhibukeli zangaphetjheya nezekhetwapha," kwalathisa uNomzamo.

UmPhathi omKhulu wezeVakatjhibukelo e-George uJoan Shaw ubeke wathi ihlelwele lizokukhangisa ngemihlobohlobo yamasiko.

"Ukugoma kwethu okwenziwa ngaphasi kweHlelo i-Dine with Locals kuveza itshwayo lesitjhaba esinomvango wabantu, lapha kuphekwa okungasenani ukugoma kweentjhaba ezihlanu, ekubalwa hlangana kwesiXhosa, kweTshivenda,

kwesi-Khoi, kwe-Cape Malay ne-'Snoek and Patat' ekusidlo somvango wefesi," kwatjho u-Shaw.

Kuzakuthi kungaphela iminyanya yesidlo santambama le, iinqhema zizabe sezithathwa njengamabhizinisi asebenza ngokuzenzeleko nga-

"Amalokitjhi weSewula Afrika anobuhle obunengi angathabisa ngabo iimvakatjhibukeli zangaphetjheya nezekhetwapha."

phasi kweHlelo lezeVakatjhibukelo lakaMasipala we-George elaziwa nge-George Tourism, azakuthi ngemva kwalokho akhangiswe bekabe sebuJamani bokwenyulwa ngokwemisebenzawo ezabe ithengwa kilomkhakha. ■

Ukutjhelela Phezu Kwamagagasi (i-Surfing) Kususa Abentwana Ekuyemayemeyi Endleleni

NANYANA ABANTU abanengi babona ukutjhelela phezu kwamagagasi njengomdlalo okhethekileko kodwana ihlangano yakwaZulu-Natala ikwenze lokhu kwaba sisenzo sokuzithabulula nokuthabisa ilutjha.

Vuyo Ndlovu

I-surfing namkha ukutjhelela phezu kwamagagasi welwandle akusimdlalo wokuzithabulula nokuzithabisa kwaphela ebantwini abasesebatjha abahlala ekabeni yedorobha le-Durban kodwana kubuye kube siqedasizungu sokubalekela imikhghwa emimbi.

I-Surfers Not Street Children yihlangano enikela ngeemfundo zokutjhelela phezu kwamagagasi zasimahla ebantwaneni abahlala eendleleni nelutjha eladinywa amathuba namkha elitlhogako elihlala ekabeni yedorobha.

Ihlangano le yenza bunqophamumsebenzi wokupheliswa kwabentwana abanganamakhaya begodu iqinisekisa bona ilutjha lenza izinto ezithe-tjha ngepilo yalo.

UMasipala weThekwini mhlaphanje usekele ihlanga-



Abanye baboCwephetjhe bokutjhelela phezu kwamagagasi (ama-surfers) abangaphasi kwe-Surfers Not Street Children ne-KZN Surfing Club abamukele amabhodi wokutjhelela phezu kwamagagasi. Amabhodi la azokusetjenziselwa umnqopho wokuthuthukisa.

no le ngokuyinikela amabhodi ali-10 wokutjhelela phezu kwamagagasi.

Amabhodi la akhiwe ngomnqopho wokuthuthukisa begodu akhiwe ngematheriyali ewanzinzisako ukwenzela bona kusizeke abantjheleli phezu kwamagagasi abasafundako bona bahlale ngaphezulu kwesilinganis esithileko samanzi.

UmPhathi kaMasipala womnyango wezokuthuthukiswa kwemiDlalo nokuzithabisa uTeddi

Adams uthe amabhodi la azokusiza abantjheleli phezu kwamagagasi abanetjhisakalo kilomkhakha.

"Umnkelo uyingcenyeyamaqhinga kamasipala wokuthuthukisa imidlalo nokuqinisekisa bona ilutjhaloke, ngaphandle kokuqalumbala nezinga lepilo yomuntu, liyazifinyelela izakhiwo ezizobasiza bona bathuthuke emidlalweni yabo abayikhethileko."

ULangelihle Nkosi (oneminyaka eli-16) omtjhe-

leli phezu kwamagagasi uthokoze umasipala ngomnkelo abawufunyeneko.

"Ngiyakuthabela ukuza eemfundweni zokutjhelela phezu kwamagagasi ngombana ziyangisiza bona ngihlale ngiphilile bengakhekile ngokomzimba begodu ngiyakuthabela ukutjhelela phezu kwamagagasi." uNkosi ukhuthaze abanye abantjheleli phezu kwamagagasi abasafundako bona be begodu bazibandakanye bebafunde ngokuzimisela.

U-Sandile Mqadi ombanduli kwa-Surfers Not Street Children Club, uthe umnqopho wehlangano le kufundisa abentwana amakghono wokutjhelela phezu kwamagagasi ngaleyondlela bazakusuka emkhubeni wokutjharhatha eendleleni.

"Samukela abentwana abahlala eendleleni nalabo ebavela emiphakathini eyayidinywe amathuba esikhathini esidlulileko. Isizolethu lisimahla begodu ilu-

tjha elineminyaka ethoma kemihlanu ukuya kema-23 lamukelekile," kwatjho u-Mqadi.

Ungezelele ngokuthi umnkelo ngamabhodi wokutjhelela phezu kwamagagasi ovela kwamasipala bawuthokoza khulu begodu uzobasiza emizamani yabo yokuthuthukisa abentwana begodu inengi labentwana lizokwazi ukuzibandakanya ehlelweneli.

I-Surfers Not Street Children Club inikela ngeemfundo ukusukela ngomvulo bekube ngeLesihlanu ngeenkathini ezihlukeneko, ngo-08:30 begodu nango-13:30. Abanerhuluphelo lokuzibandakanya bangazitlolisa e-Ofisini le-Surfers Not Street Children ese-North Beach.

UMasipala ubuye godu wanikela ngamabhodi ali-10 wokutjhelela phezu kwamagagasi awanikela iKwaZulu-Natal Surfing Federation. ■

UmNyango wezamaPhilo e-Limpopo Ubeka Ukumunyisa Ezingeni Eliphezulu

NJENGOMBANA ILIZWE ligidinga iminyaka elikhulu kaMma u-Albertina Sisulu, umNyango wezamaPhilo we-Limpopo uthiyelele ngaye izikwana lokumunyisela ukwenzela bona kuzokuhlomula abomma.



■ USomkhandlu wezamaPhilo esiFundeni se-Limpopo uDorh. Phophi Ramathuba uphahlwe bomma abamunyisako ebeze ekuhlonyweni kwehlelweleli.

Kanego Lewele no-More Matshediso

Ukumunyisa kuqakatheke khulu eku-thuthukiseni ipilo yomntwana nekunikeleni izakhamzimba emasaneni, kodwana abomma abanengi abasebenzako bahlangabezana nobudisi bokuragela phambili nokumunyisa ngemva kokobana babuyele emsebenzini kungaphela isikhathi samalanga wobudzedzi.

Lokhu kubangelwa kukobana eendaweni ezinengi zokusebenzela azikho iindawo ezihlelele abomma kobanyana bangakwazi ukuyokukghama namkha bamunyise abentwana babo ngesikhathi basemsebenzini. Ngalo baphelelewa mamandla wokuragela phambili nokumunyisa ngombana baqeda isikhathi esinengi basemsebenzini bangasi semakhaya nabentwababo.

Emzamweni wokulungisa isitjhijilwesi, umNyango

wezamaPhilo e-Limpopo uhlome ema-ofisini wawo iziko engakhenge khelaba khona lokumunyisela nokukghama.

Izikweli lokumunyisela lahlonywa nguSomkhandlu uDorh. Phophi Ramathuba.

Lithiyelelwe ngoMma u-Albertina Sisulu, nonyaka ekugidingwa iminyaka yakhe elikhulu nayibe bekasaphila.

Kunqotjhwe ngezikweli bona kungasizeki kwaphela abomma abasebenzako, ko-

dwana kukhuthazeke neminye iminyango yembusweni bona isekele abomma abamunyisako ibe basemsebenzini.

Abasebenzi emnyangweni lo njenganje bavunyelwa bona abantu ababagadela namkha ababatjhejela abentwana bona bangabalethela bona emsebenzini ngesikhathi samadina bona bazobamunyisa. Izikweli lizokusetjenziswa godu bomma abafuna ukukghama ngesikhathi somsebenzi.

Omunye wabasebenzi emnyangweni lo u-Mpho Kutumela ongumma wamawele aneenyanga ezili-11, umsana nomntazana, ukuthabele khulu ukuhlonywa kwezikweli.

“Izikweli lokumunyisela lizokuba lisizo kithi sibomma ngombana lizosinikela ithuba lokukghama umkghado sitjhaphulukile sisendaweni ekhethekileko,” kwatjho uMma u-Kutumela.

Abomma abavakatjhela umnyango baphethe amasana bo ngabonobangela abathileko bazokuvunyelwa ukulisebenzisa izikweli, bamunyisele ngakilo.

USomkhandlu u-Ramathuba uthe izikweli lokumuny-

sela, i-Albertina Sisulu lingenye yezinto ezihle ezenziwe sifundesi.

USomkhandlu unethemba lokobana ukuhlonywa kwehlelweleli kuzokuba nomthelela omuhle emizamweni yokukhuthaza nokuvikela isiko lokumunyisa ibele ngomnqopho wokufinyelela ekuthuthukisweni kwepilo yomntwana ibe sezingeni elihle.

“Ibisi lebele linezakhamzimba ezipheleleko ezitlhogwalisana begodu angeze zakhiqizwa ngebisi lokwenziwa,” kwatjho uSomkhandlu. ■

Iinzuzo Zokumunyisa

- Ibisi lebele limumethe iimvikelazifo ezisiza umntwanakho bona alwe neemulwana neengogwana ezibangela amalwelwe.
- Ukumunyisa kwehlisa amathuba wobungozi bokobana umntwana abe nama-aleji.
- Abentwana abamunyiswe ubuncani bakhona iinyanga ezisithandathu ngokulandelana kwazo ngemva kokubelethwa banamathuba amancani wokutshwayeleka ngemulwana, ngamagulo wokuvaleka kwesifuba begodu nokuthulula safuthi.

New health centre for Port Nolloth

Jauhara Khan

The seaside town of Port Nolloth in the Northern Cape will soon benefit from a full-service community health centre project which promises to enhance access to quality healthcare.

The project is being implemented by the Independent Development Trust (IDT) on behalf of the Northern Cape provincial Department of Health at a cost of about R150 million and is expected to open soon.

Once completed, the building will comprise all primary health facilities including a trauma unit, radiology, dis-

pensary, psychiatric ward, maternity wards and paediatric wards. Consultation rooms will be used for reproductive health services, a psychologist, dietician and other services once constructed.

Work on site also encompasses the construction of facilities for support services including administration and waiting areas, ambulance quarters and parking bays, overnight accommodation for paediatric mothers, a mortuary, kitchen and dining area, stores and maintenance area.

Port Nolloth, located along the Atlantic Ocean, is one of the most remote areas of South Africa with a population of just over 6 000. It is served by

a small government clinic that offers a community-oriented primary health care programme that monitors and works towards the improved health and well-being of families in that area.

The progress on the project is currently at 70 percent. The contractor has been busy with installation of roofing in some of the buildings as well as internal plastering, painting and external work like paving, lighting and parking areas.

The project has created decent job opportunities. A majority of these jobs were reserved for the local community and a lot of the work on site, such as glass fittings and



■ Construction on a new community health centre in Port Nolloth in the Northern Cape is almost complete. The facility will soon offer the small town greater access to healthcare services.

cladding at the reception and waiting areas, were performed by local sub-contractors.

The IDT is an entity of the National Department of Public

Works and supports all spheres of government with social infrastructure management and programme implementation. ■